

孫氏周易集解

孫氏周易集解卷六

陽湖 孫星衍 淵如纂

下經夬傳第六

三三三
乾下
兌上

夬揚于王庭孚號有厲告自邑不利卽戎利有攸往

彖曰夬決也剛決柔也釋文決徐
古穴反健而說決而和

揚于王庭柔乘五剛也孚號有厲其危乃光也告自邑
不利卽戎所尙乃窮也利有攸往剛長乃終也

集解李翱曰自古小人在上最爲難去蓋得位得權

而勢不能搖奪以四凶尙歷堯至舜而後能去嘗玩
易之夫夫一陰在上五陽並進以剛決柔宜若易然
然爻辭俱險而肆蓋小人在上故繇曰剛長乃終是
也王得臣塵史

象曰澤上於天夫君子以施祿及下居德則忌

初九壯於前趾往不勝爲咎

釋文趾
荀作止

象曰不勝而往咎也

九二惕號莫夜有戎勿恤

釋文惕荀翟作錫號戶羔反
鄭王真音步莫音暮鄭如字

集解荀爽曰錫賜也

翟元同釋文

鄭康成曰莫

無也無夜非一夜同

象曰有戎勿恤得中道也

九三壯于頄有凶

釋文頄求龜反頄也又音求又邱倫反鄭作頄頄夾面也王肅音憲江氏

音琴威反蜀才作仇

君子夬夬獨行遇雨若濡有愠无咎

釋文愠紆連反

舊於問反

象曰君子夬夬終无咎也

九四臀无膚其行次且

釋文臀徐徒敦反次本作趨或作蹶說文及鄭作趨同七私反

且本亦作趨或作且同七餘反

集解馬融曰次卻行不前也且語助也釋文王肅

曰越趨行止之礙也同

牽羊悔亡聞言不信

釋文牽羊
夏作擊

象曰其行次且位不當也聞言不信聰不明也

九五莧陸夬夬

釋文莧開辯反三家音胡練反一本作
莞華板反陸如字蜀才作陸陸親也通

也

集解子夏傳曰莧陸木根草莖剛下柔上也疏孟

喜曰莧陸獸名夬有兌兌爲羊也路史注馬融鄭

康成曰莧陸一名商陸王肅同疏宋衷曰莧莧

菜也陸商陸也釋文虞翻曰莧蕒也陸商也同

董遇曰莧人莧也陸商陸也疏 又曰前人以莧陸

爲一草陸之爲葉差堅於莧莧根小陸根大輯聞

中行无咎

象曰中行无咎中未光也

上六无號終有凶

象曰无號之凶終不可長也

三三

巽下
乾上

姤女

如釋文姤鄭同
古文作遘

集解薛虞曰姤古文作遘釋文

勿用取女

釋文娶本亦作取

象曰婚遇也柔遇剛也

勿用取女不可與長也

天地相遇品物咸章也

集解荀爽曰故萬物皆相見也漢上傳

剛遇中正天下大行也

集解莊氏曰以女而遇五男既不可取天地匹配則能成品物由是言之若剛遇中正之柔男得幽貞之女則天下人倫之化乃得大行也疏

妬之時義大矣哉

象曰天下有風。姤后以施命誥四方。

釋文誥李古報反。鄭作詒起一反止。

也王

肅同

初六繫于金柅貞吉

釋文柅徐乃履反。又女紀反。論文作柅。讀若昵。字林音乃。米反。王肅

作柅。從手。子夏作柅。蜀才作柅。

集解馬融曰柅者在車之下所以止輪令不動者也

疏 王肅曰柅織績之物婦人所用同

有攸往見凶羸豕孚蹢躅

釋文羸劣隨反。王肅同。鄭力追反。蹢直戟反。徐治益反。一

本作蹢。古文作蹢。蹢

本亦作蹢。古文作蹢。

集解陸績曰羸讀爲累釋文

象曰繫于金柅柔道牽也

九二包有魚无咎不利賓

釋文包本亦作庖同白交反鄭百交反荀作胞

象曰包有魚義不及賓也

九三臀无膚其行次且厲无大咎

象曰其行次且行未牽也

九四包无魚起凶

象曰无魚之凶遠民也

九五以杞包瓜含章

釋文包白交反子夏作胞馬鄭百交反

集解子夏傳曰作杞匏瓜**疏**馬融曰杞大木也釋

文鄭康成曰杞柳也張氏曰杞苟杞也并同

薛虞記曰杞杞柳也杞性柔韌宜屈撓以匏瓜**疏**

史徵曰杞枸杞也瓜瓠瓜也杞生於肥地瓠瓜爲物

繫而不食也口訣義

有隕自天

象曰九五含章中正也有隕自天志不舍命也

上九姤其角吝无咎

象曰姤其角上窮吝也

三三坤下
兌上

萃亨王假有廟

釋文亨王肅本同馬
鄭陸虞等並無此字

集解周宏正曰鬼神享德不在食也口訣義

利見大人亨利貞用大牲吉利有攸往

彖曰萃聚也順以說剛中而應故聚也

王假有廟致孝享也利見大人亨聚以正也用大牲吉利有攸往順天命也

觀其所聚而天地萬物之情可見矣

象曰澤上於地萃君子以除戎器戒不虞

釋文除本亦
作儲又作治

慮荀作

集解鄭康成曰除除去也釋文王肅姚信陸績曰

除猶修治也蜀才曰除去戎器修行文德也并同

初六有孚不終乃亂乃萃若號一握爲笑勿恤往无咎

釋文若號絕句戶報反馬鄭王肅王虞戶羔反握傳氏作渥

集解鄭康成曰握讀爲夫三爲屋之屋蜀才同釋

文

象曰乃亂乃萃其志亂也

六二引吉无咎

子以片易集解卷之二
集解王肅曰六二與九五相應俱履貞正引由迎也

爲吉所迎何咎之有舊唐書

孚乃利用禴

釋文禴蜀才作躍劉作燔

集解馬融曰禴殷春祭名 王肅同 鄭康成曰禴

夏祭名也并釋文

象曰引吉无咎中未變也

六三萃如嗟如无攸利往无咎小吝

象曰往无咎上巽也

九四大吉无咎

象曰大吉无咎位不當也

九五萃有位无咎匪孚元永貞悔亡

象曰萃有位志未光也

釋文未光也一本作志未光也

上六齋資涕洟无咎

釋文齋徐將池反王肅將啼反咨音諮又將利反涕徐音體洟他麗

反又音夷

集解馬融曰齋咨悲聲怨聲釋文

鄭康成曰齋咨

嗟嘆之辭也自目曰涕自鼻曰洟同

象曰齋咨涕洟未安上也

三三三 巽下坤上

升

釋文升鄭本作昇

〔集解〕馬融曰升高也〔釋文〕

元亨

〔集解〕褚氏曰猶人日思善道進而不已其德日新故

能亨也〔口訣義〕

用見大人勿恤

〔釋文〕用見本或作利見

南貞吉

〔征〕

彖曰柔以時升

巽而順剛中而應是以大亨

用見大人勿恤有慶也南征吉志行也

象曰地中生木升君子以順德積小以成高大釋文順如字王

肅同本又作慎師同姚本德作得以高大本或作以成高大

按史徵本作成高大

集解何妥曰君子謹習爲先修習道德積其微小以至高大口訣義史徵曰案此義順字恐當爲慎也

同

初六允升大吉按說文引作執升與施易同

集解施肇曰執進也漢上傳

象曰允升大吉上合志也

九二孚乃利用禴无咎

象曰九二之孚有喜也

九三升虛邑

釋文虛如字空也徐去餘反

集解馬融曰虛邱也釋文

象曰升虛邑无所疑也

六四王用亨于岐山吉无咎

釋文亨許庚反通也馬鄭陸王肅許兩反岐其宜反

或祁支反

集解馬融曰亨祭也釋文鄭康成曰亨獻也同

陸希聲曰升之六二柔以時升太王之德隨之上六天下悅隨文王之德太王在岐直曰岐山武王在鎬

故曰西山撮要

象曰王用亨于岐山順事也

六五貞吉升階

象曰貞吉升階大得志也

上六冥升利于不息之身

象曰冥升在上消不富也

三三

坎下
兌上

困亨貞大人吉无咎有言不信

象曰困剛掩也

釋文揜本又作掩於檢
反李於範反虞作兪尼
不余是子之

險以說困而不失其所亨其唯君子乎貞大人吉以剛
中也有言不信尙口乃窮也

象曰澤无水困君子以致命遂志

初六臀困于株木

〔集解〕陸希聲曰坎於木爲堅多心株木之象會通

入于幽谷三歲不覿

釋文谷徐
古木反

象曰入于幽谷幽不明也

九二困于酒食朱紱方來

〔集解〕鄭康成曰二據初辰在未未爲土此二爲大夫

有地之象未上值天廚酒食象困于酒食者宋地薄
不足已用也二與日爲體離爲鎮霍爻四爲諸侯有
明德受命當王者離爲火火色赤四爻辰在午時離
氣赤爲朱是也文王將玉天子制用朱鞅儀禮疏
利用享祀征凶无咎

象曰困于酒食中有慶也

六三困于石據于蒺藜入于其宮不見其妻凶

象曰據于蒺藜乘剛也入于其宮不見其妻不祥也

九四來徐徐困于金車吝有終

釋文徐徐子夏作茶茶翟同茶音圖金車本亦

與作金

集解卷五 金華五 庚注同

集解子夏傳曰茶茶內不定之意 翟元同釋文

馬融曰徐徐安行貌同 何氏曰九二以剛德勝故

曰金車也疏

象曰來徐徐志在下也雖不當位有與也

九五劓刖困于赤紱

釋文劓徐魚器反刖徐五刮反又音月荀王肅本劓刖作鯢鯢京作

劓說文劓斷也

集解荀爽曰鯢鯢不安貌 王肅陸續同釋文 鄭

康成曰劓刖當爲倪仍同 又曰朱深曰赤王氏

陸希聲曰五以剛中處位能去小人以救困者也上

六鼻之象六三足之象皆掩剛者故刑而去之會通

乃徐有說利用祭祀

釋文祭祀本亦作享祀

象曰剝則志未得也乃徐有說以中直也利用祭祀受福也

上六困于葛藟于臲臲

釋文葛藟又作藟藟五結反王肅研詰反說文作藟牛列反藟同

臲五骨反又音片論文作藟薛又作栢字同

曰動悔有悔征吉

集解向秀曰曰言其无不然釋文

象曰困于葛藟未當也動悔有悔吉行也

三三巽下
坎上

井

釋文井精領反字
林作井子挺反

集解宋衷曰世本云化益作井化益伯益也堯臣釋

文鄭康成曰井法也周氏曰井以不變更爲義

井同先儒曰井以清絜爲義口訣義

改邑不改井无喪无得往來井井汔至亦未繙井釋文汔徐

許訖反幾也王肅音其乞反繙音
桶徐又居密反又其律反又音述

集解鄭康成曰繙繙也釋文

羸其瓶凶

釋文羸律悲反徐
力追反蜀才作累

集解鄭康成曰羸讀曰羸釋文

象曰巽乎水而上水井養而不窮也

釋文養如字徐以上反

改邑不改井乃以剛中也汔至亦未繙井未有功也羸其瓶是以凶也

象曰木上有水非

釋文上如字師又時掌反

君子以勞民勸相

釋文相息

亮反王肅如字

集解周宏正曰勸助民人使功日濟口訣義

初六井泥不食舊井无禽

象曰井泥不食下也舊井无禽時舍也

九二井谷射鮒鰓敝漏

釋文谷古木反又音洛射食亦反徐食夜反鄭王肅皆音亦荀

作耶甕屋送反李於鍾反鄭作齋說文作齋敝婢世反王肅徐扶滅反

集解子夏傳曰鮒謂蝦蟇也釋文

鄭康成曰九二

坎爻也坎爲水上直巽九三艮爻也艮爲山山上有井必因谷水所生魚無大魚但多鮒魚耳言微小也夫感動天地此魚之至大射鮒井谷此魚之至小故

以相况文選注

又曰射厭也甕停水器也釋文

王肅曰射厭也鮒小魚也御覽

象曰井谷射鮒无與也

九三井渫不食爲我心惻

釋文渫息列反徐又食列反按唐石經渫作淥

集解鄭康成曰謂已浚渫也猶臣修正其身以事君

文選注

向秀曰渫者浚治去泥濁也

史記注

黃

穎曰浚治也

釋文

張璠曰可爲惻然傷道未行也

史記注

可用汲王明並受其福

集解京房曰言我道可汲而用也

史記注

象曰井渫不食行惻也求王明受福也

六四井甃无咎

集解子夏傳曰甃修治也釋文馬融曰為瓦裏下

達上也干寶曰以甃壘井曰甃并同

象曰井甃无咎修井也

九五井冽寒泉食釋文冽音列王肅音泐

象曰寒泉之食中正也

上六井收勿幕有孚元吉釋文收徐詩救反又如字荀作甃干本勿作罔

集解馬融曰收汲也釋文陸績曰收井幹也同

象曰元吉在上大成也

三三離下兌上

革

集解馬融曰革改也釋文

已日乃孚元亨利貞悔亡

集解宋衷曰人心習常不說改易及變之後樂其所成故卽日不孚已日乃孚矣口訣義

彖曰革水火相息

釋文息如字說文作息

集解馬融曰息滅也釋文

二女同居其志不相得曰革

已日乃孚革而信之

釋文革而信之一本無之字

文明以說大亨以

正革而當其悔乃亡

天地革而四時成湯武革命順乎天而應乎人革之時大矣哉

象曰澤中有火革君子以治歷明時

初九鞏用黃牛之革

集解馬融曰鞏固也釋文

象曰鞏用黃牛不可以有爲也

六二已日乃革之征吉无咎

象曰已日革之行有嘉也釋文行如字又下孟反

九三征凶貞厲革言三就有孚

象曰革言三就又何之矣

九四悔亡有孚改命吉

象曰改命之吉信志也

九五大人虎變未占有孚

象曰大人虎變其文炳也

上六君子豹變小人革面征凶居貞吉

象曰君子豹變其文蔚也

釋文蔚音尉又紆弗反說文作斐

小人革面

順以從君也

三三巽下
離上

鼎

集解荀爽曰三鼎形同以足爲異董道廣川書跋

元吉亨

集解何妥曰古者鑄金爲此器能調五味變故取新以成烹飪之用以供宗廟次養聖賢天子以天下爲鼎諸侯以國爲鼎變故成新尤須當理故先元吉而後亨通口訣義

象曰鼎象也以木巽火亨飪也

釋文亨本又作高同普庚反煮也飪入甚反徐

而鴉反陰說引作孰餽其義爲長聖人亨以享上帝而大亨以養聖賢

釋文以享

香兩反

巽而耳目聰明柔進而上行得中而應乎剛是以元亨

象曰木上有火鼎君子以正位凝命

釋文凝翟作擬

集解鄭康成曰凝成也釋文翟元曰凝度也同

初六鼎顛趾利出否得妾以其子无咎

釋文出徐尺遂反或如字

集解鄭康成曰顛踣也趾足也無事曰趾陳設曰足

爻體巽爲股初爻在股之下足象也足所以承正鼎

也初陰爻而柔與乾同體以否正承乾乾爲君以喻

君夫人事君若失正禮踏其爲足之道情無怨則當以和義處之然如否者嫁於天子雖失禮无出道廢遠之而已若其無子不廢遠之后尊如故其犯六出則廢之遠之子廢坤爲順又爲子母牛今在后妃之旁側妾之例也有順德子必賢賢而立以爲世子又何咎也儀禮疏

象曰鼎顛趾未悖也利出否以從貴也
九二鼎有實我仇有疾不我能卽吉

集解鄭康成曰怨耦曰仇釋文

象曰鼎有實慎所之也我仇有疾終无尤也

九三鼎耳革其行塞雉膏不食

集解鄭康成曰雉膏食之美者釋文

方雨虧悔終吉

象曰鼎耳革失其義也

九四鼎折足覆公餗其形渥凶

釋文渥於角反沾也鄭作𪔐音屋

集解馬融曰餗餗也釋文又曰餗謂糜也穀梁疏

鄭康成曰糝謂之餗震爲足竹萌曰筍筍者餗之

爲菜也是八珍之食周禮疏又曰餗美饌鼎三足

三公象若三公傾覆王之美道屋中形之周禮疏

虞翻曰餽八珍之具也

釋文

象曰覆公餽信如何也

六五鼎黃耳金鉉利貞

釋文鉉立典反徐又古立反又古其反一音古螢反

集解馬融曰鉉扛鼎而舉之也

釋文

鄭康成曰金

鉉喻明道能舉君之官職也唐律疏議注

象曰鼎黃耳中以爲實也

上九鼎玉鉉大吉无不利

象曰玉鉉在上剛柔節也

三三 震下
震上

震亨震來虩虩

釋文虩虩
荀作愬愬

集解馬融鄭康成曰虩虩恐懼貌釋文

陸希聲曰

虩虩虎始在穴中跳躍而出象人心之恐動也撮要

笑言啞啞

釋文言
亦作語

集解馬融曰啞啞笑聲釋文

鄭康成曰啞啞樂也

同

震驚百里不喪匕鬯

集解鄭康成曰驚之言警戒也詩疏

又曰鬯者秬

黍之酒其氣調暢故謂之鬯疏 陸績曰匕者棘匕

橈鼎之器 先儒云雷之發聲聞乎百里故古帝王

制國公侯地方百里故以象焉 又云匕形似畢但

不兩歧耳以棘木爲之長二尺刊柄與末詩云有捄

棘匕是也用棘者取其赤心之義并同

豕曰震亨震來虩虩恐致福也笑言啞啞後有則也

震驚百里驚遠而懼邇也出可以守宗廟社稷以爲祭

主也

集解王肅曰在有靈而尊者莫若於天有靈而貴者

莫若於王有聲而威者莫若於雷有政而嚴者莫若於侯是以天子當乾諸侯用震地不過一同雷不過百里政行百里則已也亦不喪祭祀國家大事不喪宗廟安矣處則諸侯執其政出則長子掌其祀御覽

象曰洊雷震君子以恐懼修省

釋文洊在薦反徐又在悶反

初九震來虩虩後笑言啞啞吉

象曰震來虩虩恐致福也笑言啞啞後有則也

六二震來厲億喪貝躋于九陵勿逐七日得

釋文億本又作噫同

於其反辭也鄭於力反喪息浪反荀如字貝如字荀作賂躋本又作躋

〔集解〕鄭康成曰十萬億釋文

象曰震來厲乘剛也

六三震蘇蘇震行无咎

〔集解〕馬融曰蘇蘇尸祿素餐貌釋文 鄭康成曰蘇

蘇不安也 王肅曰蘇蘇躁動貌并同

象曰震蘇蘇位不當也

九四震遂泥釋文泥乃計反荀本
遂作隊泥音乃低反

〔集解〕鄭眾曰身既不安豈能安眾口訣義

象曰震遂泥未光也

六五震往來厲億无喪有事

象曰震往來厲危行也其事在中大无喪也

上六震索索視矍矍

釋文視如字徐市至矍矍俱縛反徐許縛反

集解馬融曰索索內不安貌矍矍中未得之貌釋文

鄭康成曰索索猶縮縮足不正也矍矍目不正同

征凶震不于其躬于其鄰无咎婚媾有言

象曰震索索中未得也雖凶无咎畏鄰戒也

三三三

艮下
艮上

艮其背

釋文背必內
反徐甫載辰

〔集解〕鄭康成曰艮之言很也〔釋文〕

不獲其身行其庭不見其人无咎

彖曰艮止也時止則止時行則行動靜不失其時其道
光明

艮其止止其所也上下敵應不相與也〔釋文〕應應對之應又音膺是

以不獲其身行其庭不見其人无咎也

象曰兼山艮君子以思不出其位

初六艮其趾无咎利永身〔釋文〕趾如字荀作止

象曰艮其趾未失正也

六二。艮其腓，不拯其隨，其心不快。釋文：腓，符非反。本又作肥。義與咸卦同承。

音拯，救之拯。

集解馬融曰：承舉也。**釋文**按：漢上傳引承作拊。

象曰：其心不快，不拯其隨，未爲聽也。按：從李氏本。

九三。艮其限，列其夤，厲闚心。釋文：夤，引真反。鄭本作腓。徐又音徐。荀作腎。薰荀作

動。

五喜回問中門人。

集解馬融曰：限，要也。鄭康成荀爽虞翻同。**釋文**

又曰：夤，夾脊肉也。荀爽曰：互體有坎坎爲腎，互體

有震震爲動，并同。王肅曰：熏灼其心，漢上傳。

象曰艮其限危闚心也

六四艮其身无咎

象曰艮其身止諸躬也

六五艮其輔言有序悔亡

按李氏本序作乳

象曰艮其輔以中正也

上九敦艮吉

象曰敦艮之吉以厚終也

三三

艮下巽上

漸女歸吉利貞

象曰漸之進也。女歸吉也。

釋文王肅本作女歸吉利貞

進得位往有

功也。進以正可以正邦也。其位剛得中也。止而巽動不窮也。

象曰山上有木漸。君子以居賢德善俗。

釋文王肅作善風俗

集解侯果曰賢者德成之名德是資賢之實也。口訣

義

初六鴻漸于干。小子厲。有言无咎。

集解鄭康成曰干謂大水之傍。故停水處。詩疏。陸

績曰水畔稱干。釋文。荀爽王肅曰干山間澗水也。

翟元曰干涯也并同

象曰小子之厲義无咎也

六二鴻漸于磐飲食衎衎吉

集解馬融曰山中石磐紆故稱磐也疏 又曰衎衎

饒衍也釋文 王肅曰衎衎寬饒之貌文選注

象曰飲食衎衎不素飽也

九三鴻漸于陸

集解馬融曰山上高平曰陸釋文

夫征不復婦孕不育凶
釋文孕以證反說
文戈鹹反苟作乘

集解鄭康成曰九三上與九五互體爲離離爲大腹
孕之象也又互體爲坎坎爲丈夫坎爲水水流而去
是夫征不復也夫既不復則婦人之道顛覆故孕而

不育禮記疏 又曰孕猶娠也釋文

利禦寇案史徵本利有用字

象曰夫征不復離羣醜也

集解鄭康成曰離猶去也釋文

婦孕不育失其道也利用禦寇順相保也案李氏本相作象

六四鴻漸于木或得其桷无咎

集解馬融陸績曰桷椽也釋文

翟元曰方曰桷椽

椽也同

象曰或得其桷順以巽也

九五鴻漸于陸婦三歲不孕

集解陸績曰陸陸俱是高處然陸卑於陸也口訣義終莫之勝吉

象曰終莫之勝吉得所願也

上九鴻漸于陸其羽可用爲儀吉

象曰其羽可用爲儀吉不可亂也

三三兌下
震上

歸妹

集解虞翻曰九女者貴其男女繼嗣宗享不絕也口

訣義

征凶无攸利

彖曰歸妹天地之大義也天地不交而萬物不興歸妹
人之終始也

說以動所歸妹也

釋文所歸妹也本
或作所以歸妹

征凶位不當也无攸利柔乘剛也

象曰澤上有雷歸妹君子以永終知敝

初九歸妹以媿跛能履征吉

象曰歸妹以媿以恒也跛能履吉相承也

九二眇能視利幽人之貞

象曰利幽人之貞未變常也

六三歸妹以須反歸以媿

釋文須荀陸作媿

集解鄭康成曰須有才智之稱天文有須女屈原之

姊名女須詩疏 陸績曰須妾也釋文 陸希聲曰

在天文織女爲貴須女爲賤撮要

象曰歸妹以須未當也

九四歸妹愆期遲歸有時

釋文遲雉夷反
一音直冀反

集解馬融曰愆過也

陸績曰遲待也并釋文

象曰愆期之志有待而行也

釋文有待而行也
一本待作時

六五帝乙歸妹其君之袂不如其娣之袂良月幾望吉

釋文幾音機又
首祗荀作既

象曰帝乙歸妹不如其娣之袂良也其位在中以貴行也

上六女承筐无實

釋文承匡
鄭作筐

孫氏周易集解卷六

三

〔集解〕鄭康成曰宗廟之禮主婦奉筐米儀禮疏 又
曰士昏禮云婦人三月而後祭行詩疏

士刲羊无血无攸利

釋文刲苦圭反
音工惠反

〔集解〕馬融曰刲刺也釋文

象曰上六无實承虛筐也

孫氏周易集解卷六

譚瑩玉生覆校

孫氏周易集解卷七

陽湖 孫星衍 淵如纂

下經豐傳第七

三三

離下
震上

豐亨

釋文豐芳忠反
字林匹忠反

集解鄭康成曰豐之言俱充滿意也釋文

王假之

釋文假庚白反
至也馬古雅反

集解馬融曰假大也釋文

勿憂宜日中

象曰豐大也明以動故豐

王假之尚大也勿憂宜日中宜照天下也

日中則昃

釋文昃孟作稷

月盈則食

釋文食或作蝕非

〔集解〕鄭康成曰言皆有休已無常盛也〔公羊疏〕

天地盈虛與時消息而況於人乎況於鬼神乎

象曰雷電皆至豐君子以折獄致刑

初九遇其配主

釋文配鄭作妣

〔集解〕鄭康成曰嘉耦曰妣〔釋文〕

雖旬无咎往有尚

釋文旬如字王肅尙純反或音唇荀作均劉昫作鈞

集解鄭康成曰初修禮上朝四四以匹敵恩厚待之
雖留十日不爲咎詩疏

象曰雖旬无咎過旬災也

六二豐其蔀日中見斗往得疑疾

釋文蔀音部王虞同
蒲戶反王肅普荀反

鄭薛作蔀見
斗孟作見空

集解馬融曰蔀小也 鄭康成曰蔀小席 薛氏同

并釋文 陸希聲曰蔀茂盛周匝之義漢上易

有孚發若吉

象曰有孚發若信以發志也

九三豐其沛日中見沫

釋文沛本或作旆謂旆幔又普貝反王虞豐蓋反又補賴反徐

普蓋反子夏作菡鄭干作韋沫徐武蓋反又亡對反微昧之光也字林作昧亡太反云斗杓後星鄭作昧

集解子夏傳曰芾小也昧星之小者釋文

馬融曰

昧星之小者鄭康成于寶曰韋祭祀之蔽膝服

虔曰昧日中而昏也薛氏曰昧輔星也姚信曰

沛滂沛也王肅曰沫音妹井同陸希聲曰沐者

斗槃謂斗之輔星斗以象大臣槃以象家臣撮要

折其右肱无咎

釋文肱姚作朕

集解鄭康成曰三良爻艮爲手互體爲巽巽又爲進

退手而便於進退右肱也猶大臣用事於君君能誅之故无咎儀禮疏

象曰豐其沛不可大事也折其右肱終不可用也

九四豐其蔀日中見斗遇其夷主吉

象曰豐其蔀位不當也日中見斗幽不明也遇其夷主吉行也

六五來章有慶譽吉

象曰六五之吉有慶也

上六豐其屋蔀其家按說文豐其屋字作豐云大屋也闕其戶闕其无

人三歲不覲凶

釋文闕苦鴟反徐苦鴟反一音苦馘反姚作闕孟作壺並通

集解馬融鄭康成曰闕無人貌釋文

象曰豐其屋天際翔也

釋文翔鄭王肅作祥按李鼎祥本亦作祥

集解鄭康成曰際當爲際療病也釋文

闕其戶闕其无人自藏也

釋文藏如字累家作牋慈羊反

集解馬融王肅曰牋殘也鄭康成曰牋傷也并釋

文

三三三

艮下離上

旅小亨旅貞吉

集解王肅曰旅軍旅也釋文

彖曰旅小亨柔得中乎外而順乎剛止而麗乎明是以小亨旅貞吉也旅之時義大矣哉

象曰山上有火旅君子以明慎用刑而不留獄

初六旅瑣瑣斯其所取災

釋文瑣瑣或作瑣字者非也

集解馬融曰瑣瑣疲弊貌釋文 鄭康成曰瑣瑣猶

小小也交互體艮小石小小之象三爲聘客初與二其介也介當以篤實之人爲之而用小人瑣瑣然客主人爲言不能辭曰非禮不能對曰非禮每者不

能以禮行之則其所以得罪儀禮疏
王肅曰瑣瑣

細小貌釋文

象曰旅瑣志窮災也

六二旅即次懷其資得童僕貞

釋文懷其資本或作懷其資斧非

象曰得童僕貞終无尤也

九三旅焚其次喪其童僕貞厲

象曰旅焚其次亦以傷矣以旅與下其義喪也

九四旅于處得其資斧我心不快

釋文資斧子夏傳及眾家並作齊斧虞喜

志林云齊當作齋齋戒入廟而受斧

集解張軌曰齊斧蓋黃鉞斧也釋文 張晏曰齊整

齊也 應劭曰齊利也并同

象曰旅于處未得位也得其資斧心未快也

六五射雉一矢亡終以譽命

象曰終以譽命上逮也

釋文逮音代 一音大計反

上九鳥焚其巢旅人先笑後號咷喪牛于易凶

釋文于易以鼓

反王肅音亦

象曰以旅在上其義焚也

釋文其義焚也 一本作宜其焚也

集解馬融曰義宜也釋文

喪牛于易終莫之間也

釋文喪牛之凶本亦作喪牛于易

三三三

巽上巽下

巽小亨

按說文易卦爲長女爲風字作

利有攸往利見大人

彖曰重巽以申命

剛巽乎中正而志行柔皆順乎剛是以小亨

集解褚氏曰夫獻可替否其道乃宏柔皆順剛非大通之道所以文王係小亨之辭孔子致皆順之釋疏利有攸往利見大人

象曰隨風巽君子以申命行事

初六進退利武人之貞

象曰進退志疑也利武人之貞志治也

九二巽在牀下用史巫紛若吉无咎

象曰紛若之吉得中也

九三頻巽吝

象曰頻巽之吝志窮也

六四悔亡田獲三品

象曰田獲三品有功也

九五貞吉悔亡无不利无初有終先庚三日後庚三日

吉

象曰九五之吉位正中也

上九巽在牀下喪其資斧貞凶

象曰巽在牀下上窮也喪其資斧正乎凶也

三三

兌下兌上

兌亨利貞

彖曰兌說也剛中而柔外說以利貞是以順乎天而應

乎人說以先民民忘其勞釋文先西薦反又如字說以犯難民忘

其死說之大民勸矣哉

彖曰麗澤兌君子以朋友講習

釋文麗
鄭作誰

集解鄭眾曰樂耽於酒則有沈酗之凶志累於樂則有傷性之患所以君子樂之美者莫過於尙詩書敦習道義教之盛矣樂在斯焉口訣義 鄭康成曰離猶併也釋文 先儒云同處師門曰朋共執一志曰友友猶黨也口訣義

初九和兌吉

象曰和兌之吉行未疑也

九二孚兌吉悔亡

象曰孚兌之吉信志也

六三來兌凶

象曰來兌之凶位不當也

九四商兌未寧介疾有喜

集解馬融曰介大也 鄭康成曰商隱度也并釋文

象曰九四之喜有慶也

九五孚于剝有厲

象曰孚于剝位正當也

上六引兌

象曰上六引兌未光也

三三坎下
巽上

渙亨王假有廟

釋文假庚白反
梁武帝音費

利涉大川利貞

彖曰渙亨剛來而不窮柔得位乎外而上同

釋文上如
字又時堂

反

集解先儒云剛來不窮釋亨德柔得位乎外釋利貞

疏

王假有廟王乃在中也

利涉大川乘木有功也

集解先儒云此卦坎下巽上乘木水上涉川之象故
言乘木有功疏

象曰風行水上渙先王以享于帝立廟

初六用拯馬壯吉

釋文拯拯救之拯子夏作拯
切取也按說文引亦作拯

集解馬融曰拯舉也釋文 伏曼容曰拯濟也 王

肅曰拯拔也并同

象曰初六之吉順也

九二渙奔其机悔亡

象曰渙奔其机得願也

六三渙其躬无悔

象曰渙其躬志在外也

六四渙其羣元吉渙有丘匪夷所思

釋文有丘姚作有丘匪夷荀作匪弟

象曰渙其羣元吉光大也

九五渙汗其大號

集解鄭康成曰號令也文選注

王肅曰王者出令

不可復返喻如身中汗出不可反也北堂書鈔

渙王居无咎

象曰王居无咎正位也

上九。渙其血。去逖出。无咎。

象曰。渙其血。遠害也。

三三

兌下
坎上

節亨。苦節不可貞。

象曰。節亨剛柔分而剛得中。

苦節不可貞。其道窮也。

說以行險。當位以節。中正以通。

天地節而四時成。節以制度。不傷財。不害民。

集解鄭康成曰。空府藏則傷財。力役繁則害民。二者

奢泰之所致後漢書注

象曰澤上有水節

釋文澤上有水上
或作中今不用

君子以制數度議

德行

初九不出戶庭无咎

象曰不出戶庭知通塞也

九二不出門庭凶

象曰不出門庭凶失時極也

六三不節若則嗟若无咎

象曰不節之嗟又誰咎也

六四安節亨

象曰安節之亨承上道也

九五甘節吉往有尙

象曰甘節之吉居位中也

上六苦節貞凶悔亡

象曰苦節貞凶其道窮也

三三

兌下
巽上

中孚

集解荀爽曰兩巽對合外實中虛漢上叢說

鄭康

成曰中孚爲陽貞於十一月子小過爲陰貞於六月未法於乾坤漢上傳

豚魚吉

釋文豚黃作遊

集解鄭康成曰三辰在亥亥爲豕爻失正故變而從小名言豚耳四辰在丑丑爲鼈蟹鼈蟹魚之微者爻得正故變而從大名言魚耳三體兌兌爲澤四上值天淵二五皆坎爻坎爲水二侵澤則豚利五亦以水灌淵則魚利豚魚以喻小民也而爲明君賢臣恩意所供養故吉詩疏

利涉大川利貞

彖曰中孚柔在內而剛得中說而巽孚乃化邦也
豚魚吉信及豚魚也利涉大川乘木舟虛也

集解鄭康成曰舟謂集板如今目空禾天爲之曰虛
詩疏

中孚以利貞乃應乎天也

象曰澤上有風中孚君子以議獄緩死

初九虞吉有他不燕

集解陸希聲曰燕安也有應於四宜從之而誠信未

通未能及物故自守則吉而有他不燕會通

象曰初九虞吉志未變也

九二鳴鶴在陰其子和之我有好爵吾與爾靡之

釋文好爵

如宗王肅呼報反靡本又作靡同亡池反散也徐又武寄反又亡彼反埤蒼作靡陸作縹京作劑

集解孟喜曰好小也靡共也干寶曰靡散也并釋文

象曰其子和之中心願也

六三得敵或鼓或罷或泣或歌

釋文或罷如字王肅音皮徐扶彼反

象曰或鼓或罷位不當也

六四月幾望馬匹亡无咎

釋文幾音機又音祿京作近荀作既

象曰馬匹亡絕類上也

九五有孚攣如無咎

象曰有孚攣如位正當也

上九翰音登于天貞凶

象曰翰音登于天何可長也

三三艮下
震上

小過亨利貞

集解王肅曰過音戈釋文

褚氏曰謂小人之行小

有過差君子爲過厚之行以矯之也如晏子狐裘之

比也疏 周氏等兼以罪過釋卦名同

可小事不可大事飛鳥遺之音不宜上宜下大吉

釋文不宜

上時掌反
鄭如字

集解鄭康成曰上謂君也釋文

彖曰小過小者過而亨也

過以利貞與時行也柔得中是以小事吉也

剛失位而不中是以不可大事也

有飛鳥之象焉飛鳥遺之音

集解陸希聲曰中孚柔在內而剛在外有鳥鷓鴣實之

象今變爲小過則剛在內而柔在外有飛鳥之象會

通

不宜上宜下大吉上逆而下順也

象曰山上有雷小過君子以行過乎恭喪過乎哀用過乎儉

初六飛鳥以凶

象曰飛鳥以凶不可如何也

六二過其祖地其妣不及其君遇其臣无咎

象曰不及其君臣不可過也

九三弗過防之從或戕之凶

釋文或戕徐在頁反

象曰從或戕之凶如何也

九四无咎弗過遇之往厲必戒勿用永貞

象曰弗過遇之位不當也往厲必戒終不可長也

六五密雲不雨自我西郊公弋取彼在穴

象曰密雲不雨已上也

釋文已上也並如字上又時寧反鄭作尙

集解鄭康成曰尙庶幾也釋文

上六弗遇過之飛鳥離之凶是謂災眚

釋文弗遇玉付反本多誤故詳

七

象曰弗遇過之已亢也

三三

離下坎上

既濟亨小利貞

釋文亨小絕句以
小連利貞者非

集解鄭康成曰既已也盡也濟度也釋文

初吉終亂

彖曰既濟亨小者亨也

利貞剛柔正而位當也

初吉柔得中也

終止則亂其道窮也

象曰水上火土既濟君子以思患而豫防之

初九曳其輪濡其尾无咎

象曰曳其輪義无咎也

六二婦喪其茀勿逐七日得

釋文其茀方拂反首飾也
子夏作髡荀作緦董作髡

集解馬融曰茀首飾也釋文鄭康成曰茀車蔽也

干寶曰茀馬髡也并同

象曰七日得以中道也

九三高宗伐鬼方三年克之小人勿用

象曰三年克之憊也

釋文憊
陸作備

孫氏月身身角角一
三
集解鄭康成曰憊劣弱也釋文

陸續曰備當爲憊

憊劣弱也同

六四繻有衣袽終日戒

釋文繻而朱反子夏作繻王虞

絮子夏作茹京作絮按繻說文引作絮一引作需一引作繻

集解鄭康成曰繻音須 王肅同釋文

薛虞曰襦

古文作繻同

象曰終日戒有所疑也

九五東鄰殺牛不如西鄰之禴祭實受其福

集解鄭康成曰互體爲坎又互體爲離離爲日坎爲

月日出東方東鄰象月出西方西鄰象禮記疏 又

曰禴夏祭之名王氏

象曰東鄰殺牛不如西鄰之時也實受其福吉大來也
上六濡其首厲

象曰濡其首厲何可久也

三三

坎下
離上

未濟亨小狐汔濟

釋文狐
徐音胡

集解鄭康成曰汔幾也釋文

濡其尾无攸利

象曰未濟亨柔得中也

小狐汔濟未出中也濡其尾无攸利不續終也雖不當位剛柔應也

象曰火在水上未濟君子以慎辨物居方

初六濡其尾吝

象曰濡其尾亦不知極也

九二曳其輪貞吉

象曰九二貞吉中以行正也

六三未濟征凶利涉大川

象曰未濟征凶位不當也

九四貞吉悔亡震用伐鬼方三年有賞于大國

象曰貞吉悔亡志行也

六五貞吉无悔君子之光有孚吉

象曰君子之光其暉吉也

釋文暉字又作輝

上九有孚于飲酒无咎濡其首有孚失是

象曰飲酒濡首亦不知節也

孫氏周易集解卷七

譚瑩玉生覆校